



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 31. Regis interdictum de libris absque ejus approbatione non
imprimendis.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.
A.C. 1563.

vit tanquam non legitimum, & factum a iudicibus, ad quos rerum, quæ publicum Regni statum spectant, cognitio minime pertinuit: insuper Rex præcepit, ut edictum, quod in proximo mense Septembri condebatur, in Curia publice lectum promulgaretur sine ulla oppositione, ac sine ulla præscripta conditione, huicque promulgationi interesse tenerentur omnes Curiae Præsides, ac consilarii, nisi morbo, aut legitima alia causa impedirentur, alioquin ad tempus Magistratu summovendi: præterea inhibuit, ne in posterum in controversiam deducere, statuere, & deliberare super decretis a Rege conditis præsumerent. His auditis Curiae Senatores morem gerebant, atque edictum ad acta relatum die vigesima octava Septembris promulgatum est.

§. XXXI.

Regis interdictum de libris absque tuis approbatione non imprimendis.

Insuper Rex die secunda ejusdem Mensis, edito diplomate prohibuit, ne quis libros novos, antequam a Viris, per Regem ad id delegatis examinati sint, & approbati, typis mandet, poena capitis, & bonorum publicatione in eos, qui contra fecerint, constituta.

Hoc

Hoc edictum non modo promulgatum est, ut licentiæ Librariorum quoscunque libros, ac libellos promiscue absque permisso edentium obviaretur, sed potissimum id fiebat, ut tam Guisio Duci, quam Colinio Architalasso faventium furor coerceretur, cum non minus hi, quam illi famosis suis libellis mutuo sese proscinderent.

Sæcul XVI.
A C. 1563.

§. XXXII.

Aliud edictum in favorem Parochorum.

Insuper in favorem Clericorum ex Parisiensi Diœcesi sancitum fuit, ut Sacerdotes, & Parochi a publicis oneribus, militum stationibus, præstanda annona, aliisque, quæ copiis in transitu alendis imperari consueverunt, immunes essent. Hoc edictum eodem die, quo superius diploma, in Senatu fuit promulgatum, illiusque executio, ac cognitio Prætori Parisiensi specialiter demandata: alio autem edicto statutum, ut in quavis Ecclesia Cathedrali, & Collegiata, ubi plures, quam decem Canonici sunt, Magister, aut Scholasticus constituatur, qui juvenes Religionis, ac literarum præceptis imbueret, ita tamen, ut ei cujusdam præbendæ redditus assignentur.

§. XXXIII.

Jacobi Putei Cardinalis obitus.

O 2

Hoc